

DOKAGBESISINA Musa takada sɔɔrodee

30

Dii Isarailinɔ sɔkpana n̄ gwena ziin

¹ Tó aubarika kɔn kana yā kè má diεaree kèkiinɔ a le píngi, àgɔ dɔn borii kè Dii a Luda é péawa à a fáakɔa n̄ ténɔ guu.

² Tó apinɔ kɔn a nénɔ èara wà ae dɔ Dii a Ludaa, tó a à yā kè mée diεεare gbàa mà píngi kɔn n̄sɛo do kɔn pɔyezinao,

³ Dii a Luda é a wènda gwa, é éara à a kakɔa zaa borii kè à a fáakɔa n̄ ténɔ guu à suao a gwena ziin.

⁴ Baa tó à pèawa à a fáakɔa bùsu kè aɔɔ kú ai anduna léanɔ guu, é é a boriinɔ kakɔa gwe à suño.

⁵ É éaraño bùsu kè de aɔ dezinɔ pɔ ũu guu. Tó aɔ bùsu pì kù, é é aubarika dañgu, é tó aɔ pari kù de n̄ dezinɔla.

⁶ Dii a Luda é a swè pípiare kɔn a boriinɔ, a ninii égɔ yezi kɔn n̄sɛo do le àgɔ kú wèndio.

⁷ Dii a Luda é láari kèkiinɔ zĩ a ibεε kè aɔ zàagu aɔɔe wée taaawaanɔ,

⁸ É éara à Dii yā ma àgɔ zĩ keε kɔn à yādiena kè mée ooare gbàanɔ.

⁹ Dii a Luda é aubarika daagu a zĩ píngin, é tó a nénɔ kɔ kɔn a pókádeenɔ kɔn a bura pónɔ. À pɔɔ é éara à keawa nna, é à maa keare lán à pɔɔ kè nna a dezinɔa nà.

¹⁰ Tó a Dii a Luda yā mà a à ɔɔkii gwà bensɔ á à yādiena kè aɔɔ kú doka takada kèkii guunɔ kūna,

tó a ae d̀ Dii a Ludaa k̀n ǹseo do k̀n poyezinao, eé beeno keare píngi.

Ẁendi ke gaa

11 Yá k̀ m̀e diεare gb̀a pí zĩ'ũu de a gb̀a lélaro. À s̀o z̀aoro.

12 À kú ludamero, gbasà à be, dé bé eé gá ludambe à pitao le à ma à zĩ kea.

13 À kú ísìaa baa k̀a kparo, gbasà à be, dé bé eé bikũ ísìaa baa à suo le à ma àg̀ k̀na.

14 Yá pí kúao k̀ikĩ, à kú a lén k̀n a ǹseo le à e à zĩ kea.

15 À ma! M̀e ẁendi k̀n yá maaao diε a are gb̀a k̀n gaa k̀n yá zaaao.

16 M̀e diεare gb̀a, àg̀ ye Dii a Ludazi àg̀ té à k̀segbèzi, à à ɔ̀kii gwa àg̀ à ỳdienano k̀n à dokaỳno k̀na, le àg̀ kuu à pari kũ, Dii a Luda é aubarika daagu bùsu k̀ eé gaa sí guu.

17 M̀de tó a k̀εε l̀ne bens̀ eé à yá maro, tó a k̀a bens̀ a t̀ano gb̀gb̀a a d̀nzi k̀nne,

18 m̀e ooare gb̀a, a kaaten gwe! É g̀ ke bùsu k̀ eé bikũ Yodaa eé gaa sí guuro.

19 Ludambe k̀n t̀teon ma s̀edadeeno ù gb̀a a yá musu. Ma ẁendi k̀n gaa diε a are, aubarika ỳno k̀n kana ỳno. À ẁendi sé le apino k̀n a ǹno e àg̀ kuu.

20 Àg̀ ye Dii a Ludazi àg̀ à yá maa à naa, zaake àmbe a ẁendi ù. Eé tó à g̀ ke bùsu k̀ à la dà a dezi Ibraĩ k̀n Isaakuo k̀n Yakubuono, à bè é k̀pámma guu.

31

Yɔsua diena Musa gɛɛ ũ

¹ Kè Musa yā kèkiinɔ ò Isarailinɔne à yāa,

² à bè: Tia la ma ka wɛ̀ baswɛɛdo, mé fɔ̀ mà dɔare aɛ dɔro. Dii bèmɛ mé bikū Yodaaro.

³ Dii a Luda bé eé dɔare aɛ à bikū. Eé borii kè aɔɔ kú gweenɔ kaatɛare lɛ à n̄ b̄usu sí. Yɔsua bé eégɔ dɔare aɛ sa lán Dii ò nà.

⁴ Dii é kɛ borii p̄inɔne lán à kè Amɔrinɔ k̄inanɔne nà Siɔ̄ k̄ɔn Oguo k̄ɔn n̄ b̄usuo kè à n̄ káate.

⁵ Dii é n̄ naare a ɔzĩ, é kɛ́nne lán má diɛare nà p̄ingi.

⁶ À a làakari kpáɛ àgɔ wórɔngɔ v̄ĩ! Àton tó v̄ia a kūro, àton tó swɛ̀ k̄ɛagu n̄ yānz̄iro, zaake Dii a Luda bé èe gaaao. Eé a tónlo eé p̄a kpáaz̄iro.

⁷ Ben Musa Yɔsua sisi Isarailinɔ p̄ingi wáa à bène: N̄ zɛ gb̄aa ògɔ wórɔngɔ v̄ĩ, zaake m̄be né gá k̄ɔn gb̄ɛ k̄ɛnɔ b̄usu kè Dii la dà n̄ dezi káakunɔne à bè é kpám̄ma guu. M̄be né b̄usu p̄i kpaatɛtɛ́nne.

⁸ Dii bé eé dɔnne aɛ. Àmbe eégɔ kún̄yo, eé n tónlo eé p̄a kpánzi zikiro. N̄ton tó v̄ia n kūro ònton bídi kɛro.

⁹ Musa doka p̄i kè takada guu à kpà sa'ori Levi borii kè aɔ̀ègɔ Dii bà kuunańyo àkpati senanɔa k̄ɔn Isaraili gb̄ensinɔ n̄ p̄ingi.

¹⁰ Musa yā diɛ́nne à bè: Wɛ̀ swɛɛplaplaaa gbera, wɛ̀ kè wè f̄iadeenɔ k̄ɛ Kutadɔna z̄ĩbaaguro,

¹¹ tó Isarailinɔ m̀ò wà n̄ z̄inda òdɔa Dii n̄ Ludanɛ n̄ p̄ingi guu kè eé sé guu, àgae doka takada kèki kyó kɛ́nne wà ma.

¹² Àgae n̄ kakɔa, ḡɔgb̄ɛnɔ k̄ɔn n̄ɔgb̄ɛnɔ k̄ɔn né fétenɔ k̄ɔn b̄àamɔ kè aɔɔ kú a wétɛnno, lɛ wà ma wà

dada, wà e wàgõ Dii a Luda vĩa vĩ, wàgõ dokayã pìnɔ kũna pínɡi wàgõ zĩ keea.

13 Aõ né kè aõ yã pì dõroonɔ é ma, aõégõ vĩakena Dii a Ludanɛ dadaa gurɔɔ kè á kú b̀usu kè ée bikũu Yodaa à gá sí pì guu.

Dii gĩake à Isarailinɔ b̀ona a kpɛɛ yã ò

14 Dii bè Musanɛ: N gagurɔɔ kà k̃i. Ñ Ỳsua sísi à gá zɛ dakõrekiia, mé zĩ nanɛ a ɔzĩ. Ben Musa k̃n Ỳsuao gàa wà zè dakõrekiia.

15 Dii b̀ò à m̀nzi gwe tɛluguu kè zena kutaa pì kpɛɛ guu.

16 Ben Dii bè Musanɛ: Tó n ka n dezinɔla, gbẽ pìnɔ é fɛɛ wà pãpãa ke wà dɔ b̀usu kè aõɔe g̃ɛn tãanɔzi. Aõé pã kpámazi aõ ma bà kuunańyo yã gboro.

17 Zĩ pìa mé pɔ f̃nzi mà pã kpánzi, mé kpɛɛ líńne wà ñ kaate. Kisianɔ é wí ñ musu bíta aõé nawẽanɔ ke. Zĩ pìa aõé be: Kisia pìnɔ wì wa musu kè wa Ludaa kúwaoro yãnzin yee?

18 Zĩ pìan mé kpɛɛ líńne yã zaaa kè aõɔ kè yãnzì, aõ aɛ d̀ò tãanɔa.

19 Ñ lè kèkii k̃ takadan sa ñ dada Isarailinɔne aõ sí, lè àgõ demɛ aõ b̀ona ma kpɛɛ sèeda ù.

20 Tó ma gańyo b̀usu kè má la dà ñ dezi káakunɔne guu, b̀usu kè zwi k̃n z'io din pì, tó aõ kà wà mè kpà, aõé aɛ dɔ tãanɔame wà ñ gbãgbã. Aõé pã kpámazi wà ma bà kuunańyo yã gboro.

21 Tó kisia pìnɔ ñ lé bíta aõɔe nawẽa keɛ, lè pì bé éé ñ yã zaaa káńne ñ ɔzĩ, zaake à yã é sã ñ boriinɔlo. Má yã kè kú ñ ñsɛn gbãa d̃ ai màgõ gáńyo b̀usu kè má la dàńne guu.

22 Musa lè pì kè takadan zĩ pìa, ben à dà Isarailinɔne.

23 Dii yā diε Nuni né Yɔsuanε à bè: N̄ làakari kpáε ñgɔ wórɔngɔ vī! Mbe né gá kɔn Isarailinɔ b̀usu k̀è má la dàñne guu, bensɔ mapi mégɔ kúnyo.

24 K̀è Musa dokayā p̀inɔ k̀è takadan à yāa p̀ingi,

25 à yā diε Levi borii k̀è aɔ̀ègɔ Dii bà kuunañyo àkpati senanɔne à bè:

26 À doka takada k̀èkii sí à diε Dii a Luda bà kuunaao àkpati saε, àgɔ kú gwe a b̀ona Dii kpεε s̀èeda ũ.

27 Zaa k̀ε má a swāgbāaa dɔ, lán eè gí yāzi nà. Zaa gurɔ k̀è má kúao eègɔ b̀ɔɔ Dii yā kpεεme ai kɔn à tiaao. Weé ma gaa gbεra p̀ó o dɔ́?

28 À a bori gbēnsinɔ kɔn a dɔn'aεdeenɔ kakɔame, le mà yā k̀enɔ dañne n̄ swāla, ludambε kɔn tɔtεo égɔ de ma s̀èedadeenɔ ũ a yā musu.

29 Zaa k̀ε má dɔ k̀è é a z̄inda yaka ma gaa gbεra, é k̄é z̄é k̀è má òdɔaareea. Beee gbεra kisia é a le, zaa k̀ε é yā k̀è zaa Diine kε, eé p̀ɔ f̄εazi t̄aa k̀è á k̀enɔ yānzi.

30 Ben Musa lè p̀i yā dà Isaraili k̀è aɔ̀ kakɔananɔne n̄ swāla mámmam.

34

Musa gana

1 Musa b̀ò Mɔabunɔ b̀usu s̀ète à d̄idi Nebo kp̄iiaa ai Pisiga kp̄ii m̄is̄nt̄ē k̀è aε dɔ Yerikoa, ben Dii b̀usu p̀i òdɔane p̀ingi zaa Giliada b̀usun ai Daninɔ b̀usun

2 kɔn Nafatalinɔ b̀usuo p̀ingi kɔn Eflaimunɔ b̀usuo kɔn Manasenɔ b̀usuo kɔn Yudanɔ b̀usuo p̀ingi ai ís̄iaa k̀è kú ɔf̄ant̄ēḡekpen kpa

3 kɔn Negevio kɔn Yeriko daminalide guzureo ai Zoa.

⁴ Ben Dii bène: Bùsu kè ma la dà Ibraĩne kǝn Isaakuo kǝn Yakubuo ma bè mé kpá n boriinɔa pìn gwe. Má tò n wée siàle, mode né bikũ Yodaa n gēnlo.

⁵ Ben Dii zòbleri Musa gà Mɔabunɔ busun gwe lán Dii ò nà.

⁶ Ben Dii à v̄i guzuren gwe Betepo kpa. Gbēkee à mira kii d̄oro ai kǝn a gbāao.

⁷ Musa gà a wè baswēdodee guume. À wée nna bens̄ à gbāaa e lagoro.

⁸ Isarailinɔ à gè kè gurɔ baaakuri Mɔabunɔ busu s̄ete, ben à gēsosobikena kǝn ɔɔ dɔɔ yāa.

⁹ Nuni né Yɔsua pana ɔnd̄ɔɔ kè Musa ɔ nàa yānzi. Isarailinɔ à yā mà, aɔ kè lán Dii dà Musane nà.

¹⁰ Annabi kee e bɔ Isarailinɔ guu lán Musa bà d̄oro. È yā o kǝn Diio tētētē

¹¹ bens̄ à sèdanɔ kǝn dabuyā kè Dii à z̄lonɔ kè Igipiti, Fili'auna kǝn a ibanɔ kǝn a gbēnɔ ae n p̄ingi.

¹² Gbēkee e yā naaside bíta ke kǝn iko gbāao lán Musa bà Isarailinɔ wée siàle d̄oro.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5